

محمد إبراهيم

ديوان
بالعامية
المصرية

لَمَّا كُنَّا...

حدوتة يجوز تتشاف تافهة... لكن معظمنا أكيد شافها

دار دُون

محمد إبراهيم: ما كنا، شعر

الطبعة العربية الأولى ديسمبر ٢٠١٦، الطبعة الثالثة ٢٠١٧

رقم الإيداع: ٢٠١٧/١٩٦٤ - التقييم الدولي: 0-072-806-977-978

جميع حقوق الطبع والنشر محفوظة للنشر

لا يجوز استخدام أو إعادة طباعة أي جزء من هذا الكتاب بأي طريقة

بدون الحصول على الموافقة الخطية من الناشر.

دار دؤن

عضو اتحاد الناشرين المصريين.

القاهرة مصر

Mob +2 01020220053

info@dardawen.com

www.Dardawen.com

لتحميل مزيد من الكتب الحصرية
زور موقع فور ريد
www.4read.net



محمد إبراهيم

لَمَّا كُنَّا

شِغْر

دَوْن



للنشر والتوزيع

إهداء

لأول عشرين سنة في عمري.
اللي خلصوا من سنين ورافضين يتخلوا عني.
لأول ضعف, أول حزن, أول وهم, وأول اندهاش.
للسنين اللي شكلتني ولما عدت اكتشفت انها عدت جوايا, مش
عدت وسابتني.
إهداء للعمر اللي رسمته بطريقتي ورسمني بطريقته .. ونتج عن
شوية الشخايط دول بني آدم شيهي جداً لدرجة التطابق وعكسي
جداً لدرجة الاستغراب.

محمد إبراهيم

إهداء إلى
«آية عماد الدين فؤاد»
أمي وحبيبتي وصاحبتني وبنتي
أو بين قوسين «إنتي»

الحب رزق.. والبُعد رزق
والخُصن رزق.. والخُزن رزق
وأهي ترتيبات..
وحاجات بتيبي مكان حاجات..
الرزق واحد باختلاف التقسيمات
ولا شيء هتفضل يوم معاه
ولا شيء هيفضل يوم معاك
نعمة ورضا.. على طول كده
تنقص هنا.. وتزيد هناك

(I)

تزوير في مشاعر رسمية

تزوير في مشاعر رسمية

هبدأ من فين
وانا كُلّ مكان رُحته معاها
ساب ذكرى وجرح وبصمة صوت
تفاصيل من كُثر ما عشناه
قتلتنا ورفضت هيّ تموت
كان موتها نُكيد بانسباني
كان موتى عشان ما عرفتش أعيش
وحبست كثير نُفسي فدايرة
مالك؟! ومفيش!
زعلان والبُعد سبب زعلي
مستني تحنّ وترجعلي
رجعت؟!..
لا بس استنيتها
وفضّلت كثير أوي مستني

بصيت فـ الآخر ولقيتها
مرتاحة وعائشة بعيد عني
حدوثة يجوز تشاف تافهة
لكن معظمتنا أكيد شافها
بين بنت وواد وفراق متعاد
بين أي اتنين حَبّوا وسابوا
وده برضو فراق يعني اسمه فراق
مهما هتغير أسبابه

أنا كنت معاها سراب إنسان
ومشيت علشان رسمتلي الخط
وكأني بقيت لعبة فـ أيدها
وكان دوري ان انا أتشال وأنحط
أصحابي قالولي انت بتغرق
قولتلهم بغرق إيه ده الشط.
ولقيت الشط ده مش أكثر
من موج وصلني لدوامه
كات أول مرة أحب بهجد
والحب يسبب فيّا علامة

فُقت من الصدمة بقيت بارد
أبرد إنسان في الدنيا دي
لا أنا عارف أزعل ولا أفرح
بقي كُلّ اللي بيحصل عادي

بعدها بمفیش جت غيرها عشان
تاخذ جوايا مكان جايز
مين عارف بكرة هيحصل إيه
في الوقت ده كنت أكيد عايز
حد أركن حيلة حُزني عليه
وركنت وعشت بروح بايشة
كات هي كمان راضية وعائشة
وبجد بجد ما حبيتهاش
جايز حيت حُبّها نَبّا
وأكيد كان كُلّ اللي بيتعاش
«تزویر في مشاعر رسمية»
كان كُلّ كلامي اللي بيتقال
متقال علشان تطيب خاطر
كذاب شاطر

أقنعها إنها كُلُّ حياتَه
مع إنه أَناني بيتسلى
مشكلتي اتحلّت لآ بالعكس
الطين عمّال بيزيد بَلّة
عائش وبكَمَل حدوتة
أنا عارف إيه هو آخرها
وهقضي معاها يومين حلوين
بعديها هدوّر على غيرها

بنكسر بعض فـه نخسر بعض
ونمشي فـ ناحيتين ونضيع
طرف شاري طرف بيع
طرف عايز
طرف متعااز
حجر وإزاز
وخبطة بجد
ومن إمتى حقيقي بجد
من إمتى بنعرف ننسى حد بحد
أنا اللي اختارت نفسي كثير

وكنّت أناني ما اهتمتش
أنا اللي اتحب وماحبش
وحبيت بس ما اتحيتش
رهان خسران ودور داير
خسائر بين هنا وهناك
دفعت مشاعري فالآخر
رسوم وضريبة استهلاك
كسرت فلانة وانا فاكر
باني من العقاب هفلت
نسيت إن الحياة دايرة
علينا كلنا اتقفلت
نسيت إن الزمن قلاب
وإن الدنيا مش هتدوم
وكشف المجر وحين هيضم
اسمي وصورتي للألبوم
وآديني لو حدي دلوقتي
يبص فـ ساعتني وأأمل
وشوش كل اللي حبيتهم
صور.. عناوين

فُراق وحنين
ورحلة كنزها فيها
بتتألم وتتعلّم
ونتأقلم ونتبارد
في قاعده ثابتة فد الدنيا
قالتلك كُلّ شيء وارد

كُلّها أحداث وبتتكرر
حصلتلي وبكرة هتحصلك
داين ومدين
بنحب ف ناس
بيحبوا ف ناس
بيحبوا أساساً ناس تانيين

لو زي ما بتقول: حبيتها

لو رَزي ما بتقول حبيتها
حسّسها انك تنفع بيتها
الحب ده كلمة بدرجة «عقد»
محتاجه لـ راجل يثبتها..
البنت دي كائن مش مفهوم
وكأنك بتلف متاهة
محتاجه لصاحب يبقى حبيب
وحبيب يعرف يتبناها

مش شرط يكون فارس أحلام
ولا حتى أمير بحصان طائر
ولا شخص يشوف فيها الطفلة
المجنونة الهبلّة ام ضفاير
محتاجه لشخص يطلّعها..

من ضلعة خوفها لأي نهار..
البنّت بجِد أما بتختار..
بتدور على شخص يصونها..
على آخر واحد ف العالم
ممكّن يتجرأ ويخونها..
على واحد من طينها ولونها..
يفهمها بدون ما تقول ف كلام
يبهتوا على بعض مع الأيام
فتحس إن الاتنين واحد..
شكلاً موضوعاً إحساساً
البنّت دي محتاجة أساساً
للشخص اللي يكون دكتورها
ويرجع ضحككتها ونورها..
ويهاود وقت ما بتعانّد..
ويحاول يسمع ويفوّت
ف تفتح وكأنها وردة
وتحس انها فجأة احلّوت..
٢٠

أو فعلاً حبيبته ناقشها..
وان زعلت منك فرفشها
حبها بطريقة تعيشها..
وبلاش الحب اللي يموت!

الليل مقوي بشكل عام

للذاكرة

وكأنه عدسة مكبرة

بتدوس على الأوجاع

فتلاقي نفسك فجأة

فكرت ف حاجات

بتجيب حاجات..

بتجيب حاجات

الليل

بيقطع تذكرة لقطر اللي فات

وانت الغريب..

قاعد لوحذك تنتظر كُـلّ اللي غاب

« الليل جميل

لكن لكُـلّ اثنين سوا»

لكن لُكِّلَ المشتاقين
يبقى «اكتئاب»
أزمة حنين ماهاش علاج
وتمعمل إيه فـ الاحتياج
وانت الوحيد..
ولا لاقى حضن يجمعك
ولا لاقى إيد
ولا لاقى فائدة من السهر والانتظار
هذا ملخص كُـلِّ ليلة
لحد ما يبانلك نهار

الآخر يوم

الحب الصبح اللي بخليك
عامل عوالين حبها «دايرة»
وراسمها قلوب
الحب الصبح ان انت تدوب..
وكإنك سُكَّر قهوتها..
تبقى انت مُسبَّب سعادتها
وإن خافت تبقى انت أمانها
تبقى انت الخُضن اللي يلملم
كُلّ اللي اتكسّر جواها
ويرجع ضحكاتها مكانها
الحب الصبح انك تدي..
من غير ما تعوز تاخذ منها
على قدّ اللي انت بتديه

من غير ما تكون عارف أصلاً
بتحب ازاي ولإمتي وليه؟
الحب الصبح بيان أثره
على كُّل الناس اللي اتكسروا
على كُّل اللي الماضي وَجَعَهُمْ
والحُب الأول ودَّعَهُمْ
فد اتصابوا ب فوييا من الأحضان
ومن السلامات..
ومن الساعة..
الحب الصبح بيان أثره
على كُّل الناس المتباعدة
على كُّل الناس اللي اتسابوا
من غير تبرير
على كُّل الناس اللي اتغابوا
واستنوا كثير
الحب الصبح مالوش تفسير
ولا ليه أسباب واضحة أشرحها
غير إنك بتحسن مشاعرك

رجعت من تاني لطرحتها
وتحس انك مكتفي جدًا
مرتاح.. مطمئن.. مش مهموم
الحُب الصبح الي بيفضل
من أول لحظة لآخر يوم

كان يا ما كان

قابلتك كنت «قلب أبيض»
وعَيْل «خام»
وكانت كُل حاجة تمام
قابلتك والحياة أهذا..
بدون لا خناق ولا مناهدة
ولا تنهيد
ولا أوجاع
ولا زحمة لُقا ووداع
ولا بَسَّاب بدون أسباب
وينشف عمري عدا الأبواب..
وإيدي تدوب من التخييط
سناريو حياتي من قبلك
ماكانش سعيد أوي لكن..
سناريو بسيط

مجرد شخص.. بتقابليه
كثير جدا لكن عمرك ما حسيتي
إنه فيه لمعة
مجرد شخص بتقابليه
يوماتي علي الله فالجامعة
و فالشارع..
وتحت البيت
بدون مواعيد
مجرد شخص يومياً..
تقابليه صدقة فالمترو..
تبصيله.. يبص بعيد
مجرد شخص مش عارف
بإن الناس بتتظمن بمسكة إيد
ما جربتش.. ما قربتش..
ومهما أتشد بسحب نفسي
وأرجع من وانا ع البر
وجيتي حياتي بالصدقة
« كأنك دعوة المضطر »
وربك يستجيب ليها

ويكبر ليكي شيء فيا..
والاقي نفسي بضحكك
إذا بصيتي فـ عنيًا
والاقي قلبي بعد ما كان
أداة بتضخ فيا الدم
بدأ يهتم..

وأول تجربة دايها..
يبقى بشكل عشوائي
كأنك فـ استغاية
تدور بس مش لاقى
وتخضن فـ اهوا وتروح
ورا النداهة وتسلم..
تتهته لما تتكلم..
وتتخبط لو اتكلمت..
تحس برعشة
لو سلّمت..
تحس بسحر ليه شغفه
وليه خوفه..

لأن الحب لو فُتِّحنا مانشوفهوش
ولو غمَّضنا بنشوفه
كأنك تلج كان نفسه
لنور الشمس يتعرَّض..
تسيب نفسك..
ف لحظة م السقوط الحر
وتتجرد

من المعايير.. وم الحسابات
وهذي المرحلة يطلق عليها
«روعة البدايات»

يعدِّي الوقت..
وآه م الوقت لو عدِّي
ونوصل للي نوصله
بتخلص روعة البدايات
وهو وهي بيملوا
ويصبح كُـل شيء عادي
ومتكرر
صباح الخير.. صباح النور

هتاكل إيه؟ هتلبس إيه؟
بلاش تلبس ثقيل الجوهيحرر
هتخرج ولا هتقضي الحياه بتنام؟!
كأن فيه حد داس Replay
عل الأيام..

بحبك.. لا أنا أكثر
بحبك.. وانا زيك كمان برضه
بحبك.. صمت تام جدًا
بحبك.. هي بتعارضه
وبتقولّه كفاية لحد هذا الحد
لأن اللعبة قليلت جد..
مكانش فباله إن الحظ هيخونه
وإنه هيسحب الشايب
وتمشي وهو متعلق!
وماسك خيط أمل دايب

أمل دايب

مجرد خيط أمل دايب..
ف وسط خيوط كثير دايبة
طرف حاضر..
طرف غايب..
وإيد ماسكة وإيد سايبه
حنين زايد.. وخوف أكبر
ورغبة مُلحة في التفكير
« يقولوا الرب ف التدبير »
وأقول يارب دبرني
مرور الوقت كبرني
وحولني لأغنية
حياتي مملّة وعادية
يقولوا الناس مسير غيرها
تغير فيك.. وأقول محتاج لها هي

أنا جاني ومجنني عليه
وصاحب حق وضحية
زوايا البيت علياً تضيق
وكُل ما بمشي أي طريق
بحس بشيء وينقص شيء
ماعادش فاضلي شيء فيا
بفكر فيكي يومياً..
كأنك ورد..

كأنك جزء تفصيلي
كأنك حالة بتجيلي
ونوبة حزن بدخل فيها
قبل ما أنام
ماليش أحلام..
ماليش طاقة اني أحب جديد
وأقابل حد من الأول
وأعيد حكاياتي بالترتيب
ونلعب ثاني سيب وأنا سيب
وأسيب نفسي لنفسي الدائرة
وأتحول.. لترس فـ ساعة

مش بتدور

«أنا ملّيت أكون كومبارس

وجّه الوقت إني آخذ دور»

وأغتر حاجة جوة النص

بلاش مشهد رجوعنا لبعضنا

يتقصص..

بلاش تبقى النهاية حزينة للغاية

ياستي اعتبري ان احنا

فد فيلم قديم..

هيخلص بالجواز برضه

وتتر نهاية فيه زفة

تعالى نوجه الدفة

لبر بعيد عن الأزمة

«لأني مصاب بمتلازمة»

ماليش فد الطّب أي علاج

لأن الشرخ من جوة

بواجه كّل شيء وحدي

وانا ولا حول ولا قوة

وحيلي اتهدّ مع ذلك

بقاوح والنَّفس مقطوع
يا إما رجوع .. يا إما رجوع
مفیش أي اختیار تانی
لأنَّك لسه وحشانی
ولسه فقلبي لیکی کثیر
وعمر انا وانتی هنعیشه
براحتہ وقسوتہ وطیشہ
بکُلِّ ما فیہ ..



تعالی انا وانتی نتحمّل
ونرجع للطریق نمشیہ
دہ انا فبُعدک بواقی
فاضلۃ من إنسان ..
مالوش إنسانۃ تکمّل بیہ
بحبُّک لسه واللہ ومش عارف
بحبُّک لیہ
فبدخُل کُلِّ یوم سنیا
وبقطع برضہ تذکرتین
کأنَّک لسه بتشارکینی نَفْس الفیلیم
وبرکب کُلِّ یوم مترو

ويقطع برضه تذكرتين
كأنك لسه بتقاسميني سكة وحلم
أنا ما طلبتش أرجعلك
لكني بفكر كـ للعلم
ده حتى نهايتي وياكي
أنا ما قدرتش أعلنها
كأنك إيد بتوجعني
ومسكتني الحياة منها

❖ ❖

الدنيا بسيطة وكُلُّه تمام
 طول ما انت بتعرف عادي تنام
 طول ما انت بتعرف
 تحكي لحد
 طول ما انت بتعرف
 تبكي بجد
 من غير تمثيل
 من غير ما تركّز فـ التفصيل
 طول ما انت بتعرف تتجاوز
 «مرحلة الليل»
 أنا كنت زمان زيك ساكت
 يتقال مالك
 وانا مش قابل
 رينام زعلان

وبقوم شأيل
وبخُش فدميت ألف متاهة
وشوية شوية بقيت بارد
وبشوف العالم بتفاهة
وبقيت فالآخر متأكد
إن التافه
لو كان فرحان
أحسن من عاقل متأكد

صاحب جدع

البحر صاحب جدع..
بس انت مش صاحبه
والقلب ضرب الودع..
موج الحنين سحبته
سلمت للتيار..
سلم علياً الموج
بصيت عشان أختار..
ما فهمتش الكتالوج
بتحبها ولا؟..
عايش بتسلى
وازاى ساعات نقبل
عن بعض نتخلي
البنت زي البحر..
جدعة وكات حباًك

حضر الفراق اسمها..
على درفة الشباك
مين اللي باقي معاك؟!..
هيّ ومش هيّ
قلبك رمتيه هناك..
وكتبت أغنية
بتحبها وأظن..
إن اللي رسمه البن
وقريته فالفنجان..
سكة سفر هتطول
بتحبها؟!.. طب قول !!
خايف تقرب تسلع..
قرب هتتدفي
الدنيا أوقات تتعدل..
لو مالت الكفة
غمض عينك وأسرح..
إمشي على الحافة
جايز تكون الحياة
إنك تموت مقتول

سنة على سنة

ما بقتش شايف حاجة حواليا
مع إن نظري سته علي سته
مبقتش ماسك غيري فـ إيديا
وكأني بنقص كُـلَّ يوم حتة
وكأني طيف أو ضيف
أو نسخة من واحد
يشبهني جدًا بس ما أشبهلوش
تعرف فلان أعرفه؟!
سألك؟! .. ماتعرفهوش
الدنيا شارع والصدف فتارين
وأنا ماشي وحدي ببص ع الماشيين
وماليش صديق وماليش طريق
وماليش ..
غير إني عايش بس نفسي أعيش

الوقت فَطَّر ركبته ماركتوش
هيفوت وياخذ كُلَّ شيء بشوئش
وانا خدت من كُلِّ اللي فات تذكّار
وقدَرْنَا حط العقدة فالمنشار
كُلَّ الحاجات بتروح عشان تيجي
إلا اللي فات بيروح عشان مايحيش!

كنت مرآية

تنهيدة بطول الوقت وخوف..
وكلام وعيون
فد عيون بتعيش..
وحوارنا عشان متعاد
معروف..
راح أقول مالك وتقولي مفيش..
أنا فاشل جداً أحياناً..
أمتص الصدمة وأهديكي..
العيب مش فينا
ومش فيكي..
أنا وانت عشان بينا تشابه..
ما الصعب تقرب بزيادة..
وأما البدايات تتعاد لازم..
نهاياتها تكون كده متعادة..

وانا وانتِ عشان قَرَبنا أوي..
كان لازم
نبعد قَدَّ القُرب..
وأهو بعد ما كُنَّا فـ يوم واحد..
أصبحنا خلاص
عن بعضنا غُرب..
أنا آسف جدًا أنا ماشي..
مكسورة ومكسور وحكاية..
شافت نفسها فيّا فـ خافت..
كسرتني عشان
كنت مراية..

حتى لو مش حابة تتحبي

بحبك

حتى لو مش حابة تتحبي..

بحبك

حتى لو حابة وبتحبي

بحبك بس..

بحبك حُب لا بيتقال

ولا بيتحس

ما يتصنفش غير على إنه

حُب غريب..

حُب غباء..

بدايته فراق وآخره فراق

وبين الاثنين وجع ودموع

وحزن وكبت واستغراب..

بحبك

حتى لو مش عايزة تعوزيني

بحبك

حتى لو عايزانا نبقى صحاب

حُب الحياة

الخوف

طريق الموجهين من كُل شيء

الخوف طريق اللا طريق

كُلّ اما تمشي بيسحبك

عفريت كآبة ببربك

ويخوفك ويكتفك

فتلاقي نفسك في النهاية بقيت شبح

صوت اتبجح ..

مش لاقى حد بيسمعلك ..

والصبر أو شك ع النقاد

حركة شفايفك مبهمه

و كأن بينكم لوح إزاز

الخوف شيطان أوقات كثير

يظهر على صورة ملاذ

فتلاقي نفسك فوالله
من خاف يـلـم
وتلاقي نفسك في النهاية بتظلم
عمّال بتترب من المواجهة
عن اقتناع
وتلاقي أسهل حاجة
لحظات الوداع
ومفیش نهاية محددة لأي اتجاه
ومفیش لقلبك
غير بررد، أو بكاه
هتخاف
هتفضل ضل ضل هویت
خدت المجازفة ساعتها
هتحب الحياة

لو فيكي نفس

اتسندي عليًا المرة دي..
 يبلاش لو جيت سيرة الماضي
 نفكر الوقت أثلي وجعت..
 خلينا نفكر دلوقتي
 «إزاي ربنا هيجمعنا»
 وإزاي هنعوض كُّل دسوع
 نزلت على شيء مالهوش داعي
 وإزاي هتعودي في يوم مني
 وتنامي الليلة على دراعي
 أناام في عنيككي عشب قاتمان
 وأتمشي في حضنك وأنا بردان
 فأرجع دفيان شبعان راحة..
 أنا لسه بحبك بصر راحة
 وإن كنت كابرت وقُلت معيش

فأنا بعرف أعيش من غيرك آه
لكن أنا عايز أعيش ليكي
وأتحول طفل بيتشبع
من كثر الخوف جامد فيكي
ويسيلك راسه على إيديكي
وينام وينام وينام وينام
ويقوم وكأنه يادوب مولود
يا حبيبتي أنا لسه جناح مفرد
نحلينا نغير من هنا دلوقت..
نحلينا نسيب الناس والوقت
ونروح أنا وانتي مكان فاضي
من فيكي نفس سمعي أنا وانتي
اتسندني عليا المدة دي !

كأنه حجاب ومعدولي

كنت كتي
كلامك وبتسي
بحبك حُب
كأنه حجاب ومعدولي
فبكاتب شعور به القاصحى
بفرحة طغر في الشمسحة
وفرحة ذنب بالغفران
وعابد بعد ما يصلي
عشان القلب كان نادر
عجة لقلبك النادر
هويت والقلب وقى الندر
وقمت كتير أصلي الفجر
و أدعي بحرقة ليلة القدر
عشان الباب ما بيننا يزول

وينزل دمعي مني نزول
وتغرق في الدموع كفي
ولا شافع ولا مكفي
وأله الدعوة عد الدعوة
وأدعي كثير وأبقى حوح
وفلبي يقول ماليش دعوة
عائزها يارب لو بهجروح
عائزها تيجي بالدمعة
وبلاؤحاج وبالأهة
ودعوة فيها بتوسل
بآل النبيت وجاه صه
مهني السهلة دي لو جاتني
أكيد بالنسهل يه ه هتروح
فديه دايمًا ما بينا بعاد
وليه الوقت يرمينا
لآخر بعد في الأبعاد
وأستناكي يوم تيجي
وما تجيش برضو أي معاد
ونيه نور كنا ما العشاق

ده يحصلك ويحصلني

ده انا عاشق

كتبت وراكي باللي

كلامك وانتني بتعلي

بحبك حُب متحبك

كأنه حجاب ومعمولي

بحطة إيدك

أنا لسه بحطّة إيدك..
زي ما بيبتيني هناك
لا انا طاييل سه ولا أرض
الدنيا فبُعدك برّد..
والبرد واخذني فسكة
بتوّدي ما بترجعش
أنا جايز ما بدمعش
وبيان على عكس ما انا
لكن والله أنا بكبر
يومياً ألف سنة
شايل أحزان الدنيا
على كتفي وماشي وسعيد
بضحك وبكابر لكن..
مليان بؤس وتجاعيد

أنا ناقص حُضن وإيد
وطريق و حياة وياكي
لا أنا عارف أعيش من غيرك
ولا عارف حتى أنساكي
هو انتي خلاص سبتيني؟!
يعني أمشي خلاص وأسيبك
و كأي لا كنت حياتك
و كأي لا كنت حبيبك؟!
لو سهل عليكى بعادي
فبعادك صعب عليًا
وانا هفضل مستنيكي
لو حتى خلاص مش جاية



(٢)

مجرد فيلم عربي

—

—

عَيْلٌ صَغِيرٌ..
عَيْنُهُ بَصَّتْ عَ السَّمَاءِ
بَصٌّ لِرِسَالِ لِرَبِّنَا
وَمَا عَرَفُشْ يَقْرَأُ التَّرْجُمَةَ
عَيْلٌ صَغِيرٌ إِنَّمَا
كَانَ عِنْدَهُ حَلْمٌ
دَخَلَ فِيهِمُ الْحَيَاةَ وَمَلَأَهُ
«خَرَجَ مِنَ الْفِيلِمِ»



مكانتش قُطة مغمضة

لحد الآن..

بحبيب سيرتك إذا اتكلمت

عن أوجاع..

وأشوف صورتك

إذا ودّعت أي وداع

لحد الآن..

مصمم إني أتمادى

وأدمنتك كما العادة

وخدت الجرعة بزيادة

بكلّ بساطة واستمناح..

لحد الآن مصمم إني أتغابي

وأصدق واحدة كدابة

وأجهل كدبها فعيّني

لعبتي معايا «سيب وأنا سيب»

ماسبتش وانتي سبتيني
أنا الطيب ..

أنا اللي إدالك الفرصة
وسلم إيدك المفاتيح
وقلت اتفضلي «بيتك»
معاً كي أنا «كنت قشة فريح»
بجند بجند حبيتك ..

وشفتك طفلة لا تخوف ولا تقلق
بخش الفخ بالتدريج وبتعلق
مغمي عنيا قال بلعب
وجيت أحضن حضنت هوا
قالوا زمان كثير حاسب
ده يسم ..

أنا قلت لأ ده دوا
أكيد انتوا اللي مش فاهمين
شربت السم وانا بضحك
ومت حزين ..

ماكنش ف بالي إن: «براءة الأطفال»
طبيعة الوقت غيرها
وإن الطفلة لو زهقت
ف يوم من لعبة تكسرها
مكانش ف بالي إن القطة هتفتح
و هتخربش و هتعوّر
مكنتش فعلاً أتصور
بإني ف لحظة هخسرها
لأول مرة هعلنها..
أنا قلبي بريء منها
ماحييتهاش..
وماعرفهاش..
فاكرها طشاش
« مجرد اسم »
مجرد شكل و ش و جسم
لا روح ولا قلب ولا إحساس
مجرد كاس..
شربته و فقت متأخر
مجرد حلم و اتبخر

لقيته «سراب»
 لا حلمي بحُبّها التحقّق
 ولا حتى رجعنا اصحاب
 وقفنا فدُئِص علاقتنا
 فمشهد صمت تراجيدي
 «أيديها خارجة من أيدي..
 وروحي بتتسحب بشويش
 كأني بموت.. كأني بعيش
 غريبة اللحظة والأغرب
 بلأني ضحكت..
 مش عارف ضحكت إزاي
 وبضحك ليه
 كأن فراقنا كان «إفيه»
 ووسط ما هيّ
 منسجمة
 وهي البطلة والنجمة
 لقيت كوميبارس ما اتكلمش
 بياخذ منها السوكسيه!
 نهاية سعيدة مرضية

أنا كنت بضحك وقتها

يمكن عشان

شايف حياتي بتتهدم

يمكن عشان

من كتر ما اتوقعت

اني هتجرح..

ف على اما جه وقت الفراق

الجرح أصلاً كان قديم

يمكن عشان ما الصعب إني أتهز

ماهو مش هيسجي مهما جاني أعز

يمكن عشان واقفين

ف نُص قرار مصيري

بنتفق

تقتلني لكن.. قتل سهل

مش عايز أحس بإنها متعمدة

كومبارس آه

لكن أكيد

من حقي

أختار موته أشيك من كده !

من حقي أموت مبسوط..
من حقي بعد ما اموت..
ألقي فـ جنازتي صحاب قُدام
أو بنت كات بتحبني وانا كنت لأ، مابحبهاش
فـ احترتك انتي وسبتها..
من حقي أحس شوية إني بقيت بطل
لو حتى دوري كان انتهى!

نصيب

ميسكننا ف ناس .. وناس سابت
وناس فضيلت وناس غابت ..
وناس من حُبها اتغابت ..
وفضيلت عايشة عد الماضي
وناس حبتنا ما اتحبّتش ..
فلقوا قلوبنا عد الفاضي
محدث فينا كان فاهم
بيان العمر لما يفوت ..
ويجي الوقت ونسيب بعض
محدث مننا هيموت ..
لأن الدنيا مش واقفة
على الناس اللي ناوية تسيب
دي حكمة ربنا فيها ..
وفعلًا كُل حاجة نصيب !!

الساعة لو استنيت بتفوت
أكثر بكثير من مقدارها
والحاجة لو اتمنيت تفضل
ويآك بالوقت هتخسرها
الدنيا عجيبة وأسرارها
بتبان لكن لآي يدقق
فيه ناس بتعيش فـ كابوس مزمن
فيه ناس أحلامها بتتحقق
والعقل الباطن متحكم
لو عايز تتأكد جرّب
لو عايز شيء يبعد قُرب
لو عايز شيء يفضل سيئه
الحظ هيلعب ألاعيبه
وتلاقي الحاجة بتجري وراك
وكانها تاهت ولقيتها
فاتمنى الساعة تفوت
هتفوت
أبطأ بكثير من توقيتها !

حييتك أكثر ما لازم..
 أو يمكن كان لازم أحبك
 علشان أتعلم أتكلم..
 وأشارك حد ف تفاصيلي
 أحكيلك همي وتحكي لي
 وارتاحلك وافتحلك بابي
 تبقي انتي أعز من صحابي
 وحييتي وبيتي اللي ف بيتي
 حييتك قد ما حييتي..
 أو يمكن أكثر بكتير
 ولإنك أصلاً مجنونة
 كان قلبك زي البلونة
 لو سبته «يطير»!

موجود ف حياتك بمزاجك
بتغيبي ف وقت ما بحتاجك
و ف وقت ما تحتاجي وجودي
تلاقيني ف ضهرك و ف إيدك
كنتي انتي الغلطة اللي انا دايماً
ما بصلحكيش كنت بعيدك
مستسلم جدّاً لمشاعري..
مستمع جدّاً وانا بتدل
كان كُـل ما حبي يزيد ليكي
بلاقيكي كأنك حبك قَل
انا هعرف أفوق من أوجاعي
لو حُبك راح يلوي دراعي
يبقى الموضوع ده مالوش داعي
والبُعد هي فضل أفضل حل !!

كُـل اللي ف إيدك هتسييه
بسبب وساعات من غير أسباب
الرايح رايح لنصيه
والجاي ببيجي عشان يتساب

حتى الي مقرب دلوقتي
هيقرب فترة ويتبخر
أما الي يبعد ف هيندم
وهيعرف قيمتك متأخر
وهتعرف قيمة ناس برضه
ماهو لا انت ملاك ولا همّا كمان
كُلّنا جايين الدنيا عشان
نتساب ونسيب
ونخاف ونخف
كُلّنا جايين الدنيا نلف

أنا بنته

أنا بنته
أنا اللي بنظرة طمّنته
ولو يقبل هكون بيته
ولو يدبل فانا جنيته
أنا الي ان شافني يرجع طفل
ويشبط فيّ مايسبنش
يغير يقفل عليّ ب قفل
عشان الناس دي ماتشوفنيش
لأول مرة أبطل عند...
وأسيب نفسي شراع لهواه
وأحس بإني خايفة عليه
كلّني مخلّاه ونسيه
بيتعيني ويسيني
وبرجع أحله وأناديه

بعامله بجد زي ابني
وعمري ما بعرف أقسى عليه
وهي الأم لو تقسى ف يوم
عـ الابن تعمل إيه ؟
آخرها تخاصمه يوم واحد
يعدّي اليوم وترجعله
لأن زعلها لو هيهون
عليه مايهونلهاش زعله
أناني وهي مش قادرة
تصلّح فيه ولا تسيبه
وغصبًا عن عيون روحها
بقت قابلاه على عيه
بقت شايقة الحياة بحنيه
وواقفة وراه وساندة عليه
ولو سألوها عاجبك ليه ؟
تقول « هو انتوا مالكو انتوا »
وإيه بس اللي دخلكم
ما بين واحد وبين بنته !

أنا طفلك

أنا طفلك..
ساعات عِنْدِي
ساعات نِكَدِي
ساعات قَمَاص..
ساعات بَزْعَل كَدَه وَخِلَاص
وَقَلْبِي «كَتُوم»..
مَا بِيْفَضْضُفْضُش بِسَهُولَة
وَحُبُّكَ دَايِرَة مَقْفُولَة
دَخَلْتَ بِرِجْلِي مَشْ مَجْبَر
وَلَا مَغْصُوب..
كَأَنِي بِتُوب..
كَأَنَّكَ «رَكَعَتَيْنِ فِي الْفَجْرِ»
جِدَار رُوحِي أَرَادَ يَنْقُضُ
فَأَقْمَتِيهِ..

بدون أي التفات للأجر
 لقيتك يومها مش طالبة
 سوى.. إني أكونلك «بيت»
 أكونلك «أب»
 لقيت ف عنيك شيء
 بيقول
 «بحبه يا رب»
 لقيت ف عنيك شيء
 بيقولي «أنا عايزاك»
 وهتحمل..
 وهنكمل
 ف ماتسبنيش
 وعيشلي هعيش
 لقيتني ساعتها
 مش خايف..
 ومش مهزوز
 ومش قلقان
 وبني ف عقل باني
 حياة..

وبزرع حلم فدعني كي..

في طرح

ضحكة فدعني شفايفك

لقتني ساعتها

متطمئن عشان شايك

لقتني ساعتها

بحلفك..

أكون بيتك

وأكون طفلك

علشان فتحت

معلش ان كنت بقيت ساكت..

هتكنم ليه؟!..

مين فيكم كان موجود جنبي

وسندت عليه؟!!

مين فيكم كان بيمد إيديه..

لإيديا عشان نفسه يساعده..

ده انا كُـلّ الي احتاجته معايا

شاف إني احتاجته ف قام بإعد

ماسمعتش منكم غير معلش

ومحدث فيكوا اذاني حلول

معلش إن كنت بقيت ساكت..

أصلي مزعلكم لما هقول

بتكلم جد..

مش عارف أطيّب خاطر حد

ولا عارف أراضى اللي بيزعل
ولا عارف أعرف ناس تانيين:..
« مابقتش بحب البني آدمين »
أو يعني بقيت خايف منهم..
أو عايش مش مرتاح بينهم
أو جاوز حببت الوحدة..
يمكن علشان ف البعد ارتاحت..
أو يمكن كنت زمان أعمى..
وكرهت الناس علشان فتحت !

حبيبتى فلانة

حبيبتى فلانه ولا بلاش
هقولك ليه كلام اتعاد؟!
لا هيقدّم ولا يأخر
أنا قدرى أشوف الشيء وأتمناه
وأقرب منه يتبخّر
أنا وانتى حنين سابق..
«غرام ممنوع»
دموع دايمًا وراها دموع
أغاني كُلّها تفاصيل..
أماي كُلّها.. أوهام
بفكر فيكي بعد ما أقوم
وأفكر فيكي قبل ما انام
عبيط.. ساذج.. غريب
القلب مش فاهم..

بإن الحلو ما بيكملش
فبتعشم ويتمنى
وحيد خايف..
قليل البخت..
دخلت الجنة يوم واحد
وبعده خرجت من الجنة!
عيونك دول سبع سموات
وحضنك ده السما التامنة!
ياريتك ترجعي مآمنة
بإني لسه فيا رجا
وقابل لسه للإصلاح
بلاش تجمعنا خانة «راح»
عشان كُّل الحاجات بتروح
سيبيلي أي باب مفتوح..
لعله يكون سبب له معاد
حببتي فلانة ولّا بلاش؟!
ده لو زاد الكلام يتعاد!!

كلنا عايشين في رحلة

الطمع يشبه له شط
عالم المدى وانت الغريق
والقدر بيشد خط
وكلنا ف نفس الطريق
الحياة ف الأصل فرصة
والسباق مليون مهازل
والرهان يشبه لبورصة
سهم طالع سهم نازل
واحن بنلف الدواير
لما روحنا بتتنحل
كاس هيفضل بيتا داير
واحن دايرين نتسحل
والطريق عمال يضيق
واحن بنموت بالبطنيء

كُلُّ ما بنحلم بشيء
كُلُّ ما نحس إنه ضاع
كُلُّنا عايشين ف رحلة
سعي قدر المستطاع
والرضا أصل المعادل
هوَّ ده المفتاح بتاعها
الحياة إجباري واحنا
برضو ما بنلويش دراعها
وكُلُّه ف الآخر بياخد
قدَّ بعضه مفيش زيادة
عمر متعاش مرة واحدة
ولقطة واحدة بدون عبادة
والحياة دي ماتساويش
فارضى بالمقسوم وعيش
حتى لو فيه أو مفيش
دي الدروس المستفادة
«الطمع بيذل صاحبه»
والرضا أجمل عادة

خواف

أنا الطيب..
أنا اللي ف عز لَمَّتكم
بعيد رغم إن انا قريب
وبسحب كرسبي وأتفرج
شبح بلياتشو بيهرج
زمان قلبي اللي دخّل ناس
خلاص دلوقتي بيخرّج
فهمت بإنكم ماسكات
وشوش بتخبي سوء نية
وإن الناس بطبيعتها
بتتصرف بأنانية
وطول الوقت انا بنداس
بدون رحمة وبلا إحساس
يقول المشكلة ف الناس

«أتاري المشكلة فيّا»

ولوع الحب ؛

مش فارس

ولا سيّاف

أنا زُيّك كده خواف..

بخاف مـ القرب لو زايد..

وأخاف مـ البُعد لو طوّل

بشوفك قباتي لكن

ساعات القبلّة تتحول

واصلي بعيد..

كأني زاهد الإحساس

ماليش فـ الناس..

ماليش غيري..

ماليش غير لمعة بـتبان

جوا عيني ساعات

إذا كنتي فـ تفكير

بحبك بس لو عندك

إيهان بيا..

إيمان إني أنا المكتوب
فـأوراقك بقلمـي الجاف
بحبِّك بس عايزك تعرفـي إني
أكيد هفضل كده.. خوَّاف!

كان أصلاً موجود قدامك

العقل البشري بطبعه غريب

بيفكر ف الناس لما تغيب

ويحول كُل كوميديا زمان

لدراما ف أول حضن وداع

شوف انت فيه كام

شيء منك ضاع

كان أصلاً موجود قدامك

ومكنش فالك ولا شاغل

حيز تفكير..

هتلاقي كتير..

شوف فيه كام بنت وكام صاحب

كانوا أقرب ليك منك لكن

مابقوش غير كام صورة وذكرى

شوف مين اللي انت مكتتش يوم

تتوقع إنه يموت بكرة!
وقالولك مات وانت استغربت
القلب البشري بطبعه أغرب
وهيبعد عنك لو قرّبت
وهتفضل على طول مستغرب
من ده إلا إذا جيت انت وجرّبت
أنا صاحبك عارف إيه جواك
من غير ما تقول فاسمع
على طول مني أنا يا صديق !
علاقات الناس أصلاً مسافات
لازم تراعيها وتحسبها
قرّب بالشكل اللي يخليك
ولا تحسر حاجة ولا تسيبها
وابعد بمسافة هتضمملك
إنك تشتاق مش تنسى الشيء

مجرد فيلم عربي

دلوقتي أنسب وقت أبطل أفتك
أنا ما اعتقدش ما بينا شيء
ينفع أساسا يتذكر
ما اعرفش فجأة أنا جيت من فين كُـل ده
وبيقـت كده..
جوكر بوشين مرسومين فوق بعضهم
بضحك وتحت ملاحي دمع
وكأني شمع..
تمثال وإيدك نازلة نحت
غرقان وكُـل ما أمـدلك إيـدي
إيدك بتيجي تشدني على تحت..
أنا كنت فاتح عيني ما بشوفكيش
غمـضت عيني ووقتها فـتحت

الماضي صفحة هتتقل..
وهنتقل
وكأن جرحك ذكرى حلوة
أنا بفتكرها وبيتسم
«وكأني لسه بضحككتي ثابت»
رغم إن روحي بتسحب بهدوء
واقف بموت رَبي الشجر باصص لفوق
اتسابت؟! .. عادي كُلنا بتساب
مش فارقة مين وقت الوجع فارق
بس المهم إن الفراق حاصل
وإن احنا رغم الجرح هنواصل
وهنمشي حتى لو الطريق طول
هرجع أكيد أحسن من الأول
مايهمنيش من أي شيء عدى
إن جه ف يوم قَطر الحنين هدي
هركب لو حدي ف قَطر غير قَطرك
مابقتش عايز أعيش عشان خاطرك
نقطة بتختم جرح على سطر
وصفحه تانية بتبدي وتعاشر

مش كُلّ راحِل راح زعلنا عليه
ولا كُلّ حَـد معانا فرّحنا
بكرة الحياة هتبذل الأدوار
من إمتى يعني فضلنا مطر حنا
وهيبجي غيري ويجرحك وتقولي
ذنب فلان..

وانا بكرة أقابل وانسى واتعود
أنا بحر كُلّ ما يفضى يتزوّد
والجزر دايماً بعده ييجي المد
وانا فيّا حيل مهما الطريق اتمدّ
دايماً بكمّل مهما قلبي يشوف
ما بسبّش حد وأقوله عندي ظروف
دايماً بقابل وأمشي بالمعروف
ولا عمري كنت مخطط أجرح حد

يا جرح وجعني فـ اتعلمت
يا أكبر وهم صدقته
خلاص بان السراب وفهمت
بان قُراقنا جه وقته

وعيب أعمل كده فنفسي
وعيب والله إني أقبل
بهذا الوضع أو بيها
وعيب أمسك فناس ساية
« جبال دايرة » ولا بتربط
ولا بتحل
مجرد فيلم عربي مملّ
وفيه البطلة مهروسة
مريضة بإنها تجمع
قلوب الناس وترميها
بحبك لسه؟ .. لا كارهك
وعادي أكره من اللي انا شُفته
وآسينته ..
نسيته ماضينا فنسيته
محدث فينا كان أحسن من الثاني
ومش عايز أكون أحسن ..
هكون أحسن فدإيه أوليه
طبيعي الفرصه لو جت لي
أعاملك باللي تستاهليه

وأرد الجرح جرح ونُص

وأردلك الألم مئة

لأنك كنتي أنانية..

وزمنك فات.. وعرشك

وأهي متهدد..

ساييلك جرح يشبه للأسف سرطان

تعالجه بس يتجدد..

ساييله جرح هيشوّه

ملامح سيرتك الذاتية وغرورك

ساييلك جرح زّي ما سبّتي جرح

لغيري من قلبي

« ده شيء والله يُحسبلي »

ونصر هضيفه لتاريخي

وهبدأ رحلتي بَعْدك

لا انا مستاء..

ولا مشتاق

ولا ندمان..

ولا هندم

خلاص زمن العتاب ولى

وأيام الحنين فاتت..
مجرد بنت حبيتها..
وفعلًا تعتبر ماتت..
فشكرًا ثاني عـ الصدمة
عشان انا فُقت واستوعبت
كسبتك كنت بخسر نفسي يوميا
ولكن بعد ما خسرتك لقيتي كسبت

(۳)

ما تعتذریش

يا واش يا واش

بالراحة يا واش يا واش
ده انا لسه ماقولتهاش
والاستعجال بطبعه
بيضّيع الاندهاش
سُكّر دايب يا سمرًا
وانا مغرم بالمغامرة
وعيونك ليل وخمرة
لكن ماشرتهاش
فيه حاجات انا عايز أقولها
وتجوم كان نفسي أطولها
وليالي كتير بطولها
تايم ماسهرتهاش
وانا قلبي لأنه تاه
من قبلك فالحياة

ولا شافك طوق نجاة
ولا شاف الحب شاش
أنا آه تُهت ف جمالك
لكن لم قولتها لك
وحاولت أقولها لكن
لقيتني بقول بلاش

إيه العمل؟؟

أنا وانتى واقفين والزمن..
ماشي..
والدنيا ماشية وكُل حاجة تمام
بصحى وبنام..
لكن بحس ساعات كثير إني انطفيت..
وكأني مَيِّت أو شبح..
صوتي اتبيح..
بنده مفيش إلا الصدى
أوقات بقول «متعوضة»
وبقول خلاص.. هنسى وهعيش
لكن ساعات يرجع وبشيط فـ الأمل
إيه العمل!؟
وازاي وصلنا لنقطة سودا
وحيلة سد...

إزاي بجد ؟!

إزاي قبلنا الوضع واستسلمنا ليه

وكانني كنت ف سكتك

عابر سبيل

أو شخصر ما..

إزاي بقيتي مسلمة

راضية اني أضيع..

من غير ما تبدي أي رغبة ف الرجوع

أو حتى ليها تلمّحي..

إزاي زمان كنتي الدوا..

وإزاي بقيتي بتجرحي..

ده انا كنت شايف نفسي أبّ لعيلين

بنت وولد..

عايشين ف بيت واحد سوا

بنزل ف نُص الليل أجيب للواد دوا

علشان سخن

راجل زمان كان سَمْبِتِيك

بعد الجواز

اصلًُ يمكن أو يتجن

قاعد قصاد النشرة أشوف حال البلد
أنا كنت شايف حُبنا آه بيتتهي..
لكن مع مرور السنين
ممکن زَهَقُ... ممکن ملل
ممکن روتين..
ممکن خناقة من الهوا
أسباب كثير ممکن تموت حُبنا
إلا العناد..
بتعاندي مين؟!
أنا مش عدوك فافهمي..
إني أما بقفش أو بثور
ما يكونش فعلاً ديكتاتور
ولا قصدي أفرض رأي
أو أسلوب حوار..
كُلّ الحكاية وباختصار
« أنا لسه شايفك عيلة »
وشايفني أب..
إحساسي بالخوف ناحيتك
أوقات كثيرة يأتدك..

لكن أكيد نفسي أسعدك
وبجد عايزك تفرحي..
شوفي الحياة من مطرحي..
يمكن تشوفي الفرق قبل ما نفترق..
ضيقنا وقت كثير أوي
بنلوم ف بعض ونشتكي
وعلى امانا ففنا لنفسنا المركب غرق
وانا لسه مش عايز أكمل..
يسكتني من غير ما تبقي شريكتي فيها
ف فكري..
وأديكي عارفة مكاني مش هتدوري..
وقت اما تصفي من اللي شايلاه
ارجعي .. وكفاية عند عشان خلاص
البعد شيء لا يُحتمل..
إيه العمل؟؟

واحد ثاني

قلبك بالكامل مُستهلك..
بين هيَّ وهُما وبين أهلك
هيَّ: كانت بنت بتمناك
هُما: كانوا أصحاب عايشن وياك
أهلك: قاسموك ضحكك وبُكاك
أما انت فـ كنت غريب وكثير
ومفیش ولا حد يبشبهلك

هيَّ: كانت دكتور نفساني
ومشاكلك كانت مشاكلها
موهبة إنها تعرف مالک
من قبل ما تبجي وتحكيلها

هَمًّا: كانوا دراعك وحمايتك
حافظينك صَمِّ وفاهيمنك
كانوا وِشك لو سُفَّت مرايتك
كانوا وقت ما بتغمض عينك!
أهلك: كانوا إيد ماسكة فإيدك
سانداك ومعاك مش سايبينك
ومحدث غيرهم ييفيدك
مع ذلك ماكانوش عاجبينك
أما انت فكالعادة أناي
متقمص دور واحد تاني
عائش علشان نفسه وشايف
إن مفيش حد هيستاهله
مع إن مفيش إنسان هعيش
من غير هيَّ وهَمَّا وأهله!

أنا مش هي

بتدور فيا عليها ساعات
وانا عارفة بإنك مانيتهاش
رجال بتنسى بنات بنات..
وكأنه قَدَر لازم يتعاش
بين جاني وبين أي ضحية
صدقني بجد أنا مش هي
ولا معرف أكون
« وقت اتقضى »

فد علاقة أحزان طردية
ولا معرف أكون نسخة لواحدة
بتعوض قلبك عن وحدة
أو جرح قديم واجعلك لسه
فارجع لو جاتي عشان تنسى
ده لأنني أكيد مش هقبل بيك

طول ما انت ماضيك لسه مطاردك
بالشكل اللي انت بتزرع بيه
« أنا وردة ماتنفعش لأرضك »
كام مرة اتلخبطت ف اسمي..
وعملت عبيطة ومش سامعة
وكتمت بتنهيدي الدمعة
والموقف عدى وعديتها
« أنا عارفة بإنك حبيتها »
لكن من حقى عليك إنك
تضمنلي حقوقى ف إحساسك
أو قبل ما تفتح صفحتنا
تقفل صفحتها المفتوحة
أو حاول ترجعلها وخلاص
« أنا فعلاً هبقى المجروحة »
ف علاقة دخلها ثلاث أشخاص
واحد مش عارف اتنين
وثلاثة آهو واقف يتفرج
إن واحد شافنا أكيد هيقول
إننا يا بنهذي يا بنهرج

فـ كفاية مكابرة وأنانية

صدقني بجـد «أنا مش هي»

يمكن بشبهها فدبرة صوت

أو نظرة عين.. أو حتى

طريقة نطق كلام

بس دي أو هام

أصل الموضوع مش شكل

وبس..

يمكن قلبك خدعك أو حس

إن أنا هنفع.. وانا واحد

«وان أنا بالتدريج هتحول»

من غير ما تحس بدل فاقد

«بس انا ما أنفعش ومش هنفع»

ولا عمري هكون..

ده لأن مفيش اتنين فـ الكون

«بيكونوا بنفس الشخصية»

صدقني بجـد أنا مش هي

كان عندي أصحاب..
إصحاب ياما
وخادتنا الدنيا لدوامه
وفد غمضة عين اتفرکشنا
كُنَّا حواديت تنفع أفلام
وكان الأيام بتعيشنا
فتلاقي فلان كان صاحبه فلان
وفلان من مدة ما هوش بيبان
وفلان سافر..
وفلان مشغول
وفلان على طول
راميين طوبته
الدنيا مجرد حقنة بنج

والكُلّ بيدخل غيبوبته
وييجري في سكة آخرها سراب
ومسيرك تيجي في يوم وتقول
« كان عندي صحاب »

أصول الحزن

للحزن أصول بتقول إنك..
من وقت طويل زعلان منك
فاقعد مع نفسك واشكيلك
وادعيلك وابقى اسأل عنك
من وقت لوقت ابقى اطمئن
على قلبك لو مر بأزمة..
يشيل منه الناس اللي باعوكوا
وخلاص مابقاش ليهم لزمة..
وبلاش تتعلق بالجاين..
أو حتى تحب فناس راحوا
واحكيلك كَلّ الي مضايقتك..
واتصافوا لحد ما ترتاحوا

بني آدم على هيئة ذكرى

جُرعات التفكير الزائدة..

إحساسك إن «مقيش فايدة»

والقهوة السادة المعتادة

والبنت اللي انت بتجرحها

كركتبك

كتبك

تنهيدك

و الرعشة اللي ف طراطيف إيدك

مع آخر صورة بتمسحها

كُلّها تفاصيل شرحها بيطول

باين جَوّالك مش شرط نقول

فيه حاجات بتبان ف عينك على طول

من غير ما تحاول تشرحها

سهران بتفكر في الماضي
محتاج تاخذ حقنة نسيان
نُص الكوباية عشان فاضي
خلّاك ماتبعش للمليان
فد بقيت مهتان..

إنسان بيمثل دور إنسان
مشكلتك رغم الناس حواليك
مع ذلك على طول وحداني
بتراهن ع الناس ف بتخسر
وبتخسر

فتراهن ثاني
إحساس وطلعلك بني آدم
لكنك على هيئة «ذكرى»
يومياً بيعاهد نفسه
إنه هيتغير من بكرة!

افهم عشان ترتاح يا عبيط
«كُلّه ترانزيت»
كُنّ ف حياة بعضنا فترات

ولذلك مش مستاهلة عياط
وياريت تفهم لو جيت للنور
هتقابل حد تحبه بجد
وان كنت مودّع حد عزيز
فمصير النور يبعثلك حد

كان كل ما يبدأ يتعلق

أنا نفسي طويل..
بغطس وبقبّ
بتساب بالليل..
الصبح بحب
أنا قلبي أساساً «شقة إيجار»
ومحدث طول في القعدة
كان كل ما يبدأ يتعلّق
بالناس.. الناس بتروح بأعدة
طول عمره صريح..
ومالوش في اللفّ
في الماضي جريح
في الحاضر خفّ
أنا قلبي بيعرف يقرأ الكف..
ويشوف الناس زي ما هي

كُلّ ما بيفارق بني آدم
يتكلم عنه ف أغنية!
كُلّ ما بيحاول يتقرب..
يندم علي كُلّ محاولاته
مَيّت مع ناس عايشة لغيره
عايش على ذكرى لناس ماتوا!

كلنا بنقرر آخر الليل

الساعة ١٢ كُّل الناس
أوجاعها بتبدأ تتراكم
وشروخها تبان
الساعة ١٢ كُّل الناس
من غير ألوان
الأوضة تضلم
و عيونك قبل ما بتقفل
بتخونك
ويينزل دمعك
ومحدث غير ربنا سامعك
ولاقي نهاية لأحزانك
ولا لاقى الصبر
وكأنك لو تسمع أقولك
فد بروفة لقبر

تفكير متزايد في الماضي
عدّاد ييلف على الفاضي
كان نفسك تطلع ايه
ولقيت
نفسك عمال تطلع
على تحت
فتّحت لقيت نفسك بتقول
أنا ليه فتّحت
الدنيا بسيطة هقولك إيه
كُلّنا بنلف في دوايرها
كان نفسك هي تحبك ليه؟!
مع إنك متجاوز غيرها
الساعة ١٢ كُّلّ الناس
بتجيب من العالم ده آخرها
ولحد ما ياخذك
قطر النوم
و تقول في كلام مدهون سمّنة
كُلّنا بنقرر آخر الليل
والصبح بنرجع في كلامنا

مع إن البُن ثقيل

طول عمري بخاف أتساب..
فأتساب علشان انا خايف
أنا واحد عاش يستعمي..
أو أعمى بيعمل شايف
والناس تفاصيل وروتين
وروتين الناس تفاصيل
« الصُّبح .. وصوت الراديو
الوَحدة وآخر الليل »
أنا دمي خفيف بالفطرة
مع إن البُن ثقيل !!
كان نفسي أطلع بلّونة..
أو أكون كرسي فبلكونة
فعبارة تكون ع النيل
كان نفسي أطلع طيارة

طارت واتقطع الخيط
كان نفسي أطلع ما طلعتش
ده لأني طلعت عبيط !!
مش فاهم إن الدنيا ..
عمرها ما بتدي لـ «عايز»
كُلّها طموحات وأمانى
تتحط فـ خانة «جايز»
أنا عمري ما كنت السايب ..
أو إسم فـ كشف الغايب
انا بلعب دور الطيب
اللي بيتصنف «خايب»



ما حدث

عن البنت الي حَبَّتْها وما حَبَّتْنيش
وَجَتْ غيرها وحَبَّتْني وما حَبَّتْهاش
عن القسمة ونصيب والغيب
وكُلّ الي اتكتب واتعاش
وكُلّ اتنين بيدّوا
لبعض وعد عشان
يحسوا بطعم أي أمان..
ويتمنوا الظروف تسمح..
يكونوا لبعض مِها ان كان
وتيجي الفُرقة على سهوا
فبيقوا بعيد
وينسوا الوعد ويعيشوا
فد حُب جديد
ويدّوا وعود لناس تانية

وتيجي بعدها الدنيا
تفترق بين جديد وقديم
محدث فينا قلبه سليم
محدث فينا مش موجدوع
ومش كاتم فيه عينه ذموع
وشايل هم باستمرار..
محدث فينا مش مختار
ومش مغلوب..
محدث فينا فالآخر..
قدير يهرب من المكتوب

مش كان زمانك هنا..
 بنرتبي الدنيا اللي كركبها الرحيل
 وبنكريني بيوم جميل..
 وبماضي عمره ما اتسى
 ويتضحكي
 كأني طفل الصبح رايح مدرسة
 ويتكوي قمصاني اللي كسرّها الغياب
 ويتفتحي للشمس تدخل كلّ يوم
 الصبح مش الشباك!
 دلوقتي انتي هناك
 مش كان زمانك هنا..
 بتخطي لسه الورد
 فـ الغاية الإزاز
 بتعلمي البرواز..

وبتعملي القهوة..

وبتقري فناجين العشم فـد الحلم

مش كان زمانك لسه جوة الفيلم؟!

مش قُلتي مفضل طول حياقي معاك !

كان نفسي بَيقي هنا..

واختارتي تبقي هناك!

آن الأوان

أنا مش معاكي

ومش بعيد

وبرضه مش بين البنين

أنا مش في لمة

ومش وحيد

ولا جيت عشان جابني الحنين

أنا جيت عشان.. جوايا شيء

« إحساس غريب أنا ما اعرفوش »

آخر الطريق دايمًا طريق

فوق الرشوش دايمًا وشوش

الحب وهم.. وسهم صاب

مؤمن مصاب.. وانتي اختبار

ومفیش مفر من الوجد

ولا فيه اختبار

الناس كتار.. وانا مش بخاف
غير م الزحام..
قلبك رخام..
وانا قلبي خام
ما فهمش إناك هتسبيه
للحزن والخوف والشقا
لقيتي جبل المشنقة..
ونفختي دخان اللي فات
بهدوء فوش الذكريات
فيه حاجات كتير نقصت حاجات
آن الأوان أرتاح بقى..

وانا برجع أقول كان على عيني

أنا وانتني اتنين
مساكين ماسكين
في ادين الحب اللي ما بينا
أنا وانتني صراع
وضياع وشراع
الريح زقاه سنة بسنة
أعمل أراجوز.. تعمل جهور
وتعشي الدور وتحبيني
ده لأن الخوف وسواس قهري
بيزود من حيرتى و سهري
وانا كل ما أقوم وأفرد ضهري
الدنيا بترجع تحنيني..
وانا برجع أقول « كان على عيني »
معملك إيه لو كحلك ساح

لو كان بإديا أرتاح هرتاح
لكن دي الحالة المعروضة
الحزن خلاص أصبح موضة
وانا كل ما أخاف بدخل أوضة
وأقفلها وبنسى المفتاح

انا وانتى اتنين مجانين عايشين
على كوكب خالي من البهجة
العالم أصبح كله زحام
وكلام من غير صوت ولا لهجة
وانا كل اللي فإيدي إيديكي ..
تعملي مركبة .. هعمل غرقان
لو غاوية جنان انا أهو اتجننت
شهرب م الواقع نتخيل
ترجعي عيلة أرجع عيل
جوايا جدار لسه مميل
محتاج لعلاج على هيئة بنت
وانا عمرى أساسًا ما اطمنت
خايف والخوف سلو العشاق

كلنا أحلام تحت الإنشاء
بنقرب أسرع ما اللازم
فنبعد علشان كان لازم
هتسيبي هسيب ليه بنتعازم
كده كده آخرتها هتبقى فراق

عائش و خلاص

زعلان من شكلك ليه دلوقت؟!..
إيه اللي اتغير فيك بالوقت..
دي ملاحك ولآ مرايتك دي..
كدبت على عينك وقت ما شُفت..
وإذا كنت صحيح ما اتغيرتش..
ليه لما لمحت ملاحك خفت..
ليه قلبك فجأة بدأ يسود..
ما بقتش تأمن حتى لحد..
وهزار الدنيا بيقلب جد..
كُل ما بتبص على مراية..
ليه حظك كثر فجأة ف ضعت..
ولقيت نفسك حبيت ودعت..
وطلعت لفوق جدًا ووقعت..
مكسور وكإنك كويابة!!

تليفونك ليه مابقاش بيرن؟!
كان عندك صاحب فين هو؟!
بقى عندك كام سنة من جوة؟!
وكبرت ازاى بمرور الوقت
قلبك مجرور على نقالة
عجزت كثير.. من غير تفسير
كُثر التفكير.. خلاك آلة
مش عارف حتى تحس بشيء
مش قادر تعرف إيه الفرق
بين طعم الضحك وطعم الضيق
وكانك نايم بس مانامش
وكانك فايق مش بيفوق
تفتكر الوضع هيتغير
لما انا وانت هتقابل فوق؟!
فالسما لو تطلع تلقى هناك
ناس كانوا عايشين قبلك بسنين
ناس ليهم ياما زمان اشتقت؟!
أنا عايز أطلع فوق دلوقت
صدقني ف يوم كُلنا طالعين !!

قضيت الليل بقية حاجات ..
 وتسيب للناس ذككلام اوقات
 وقد ان كلام عن الشات
 يخلص مرفوع
 ذككلام
 وركا
 بقول
 بن باند ده كده ذكرن مرجع
 ولأن ده جين ذ. النبي آدمين
 وعشان كلنا من نفس النوع
 دي الحالة العامة لرُبُع الناس
 والرُبُع الثاني بيتفرج ..
 والرُبُع الثالث بيهزج
 والرُبُع الرابع على عادته
 عايش وخلاص !!

عارفة حمييتي لمشكلة كات إيه؟؟

أنا وانتني بنحب المسافة..

أبعد تحبي تقربي..

وإن جيت أقرب

نفترق ونغيب..

وإن جيت أجرب أسيب أحن..

وإن جيت أجرب أحن

أسيب..

كُل اللي فات

شاعة من قسمة ونصيب..

علّقنا روحنا عليها ليه؟؟

كُل اما افكّر أفكّر..

كُل اما بفتكرك بخاف

ريحتك ما بتسيبش المكان
صوتك معلّم ف الحيطان
حبك سؤال مالهوش إجابة محدّدة!
هو انتي ليه وإزاي كده!!؟

عادة

الشوارع والأغاني
والأماكن والوشوش..
انتي والخوف والكلام..
اللي لسه ماقولتيهوش..
سين وصاد طرفين معادلة..
حلفوا يومها مايتساووش..
سين بحبك صاد مشاعرك..
حُبي زايد ليه وحبك..
ليا ينقص كُل مَادَى..
زي مايكون قهوة دايتا..
كُل ما يسكّرُها سادة..
زي مايكون ألف مشهد
ملّوا بعض من الإعادة

حُب من غير أي حاجة
نحسها ونعرف نعيش
—حُب مات فعلا لأنه
حُب والتحول لعادة

ماتعتذريش

ماتعتذريش..

لا حُبك آخر الدنيا..

ولا وجودك سبب الحياة

أنا فـ «مأساة»

بحاول أجمل المشهد

و أمثل إني مش مهزوز

« شبح أراجوز »

مركب وِش على وِشه

عشان مايبانش إيه جواه

لا هسحت اهتمام تاني..

ولا مطلب حنان لله

أنا كويس.. كده أحسن

ومش هنكر ساعات بحزن

وأجِنَ لكنمة متقانة..

وذكرى وصورة ورسالة

فما تحاولين أن تكوني ضحية

في القصة..

وإعني تصدقي الخالة

ده زي ما فيه بنات اتكسروا بسببنا

فياما بنات كتير حاولوا ونجحوا

فكسر رجالة

ويا ما بشوف من الدنيا

حاجات أغرب من السيا

وربك برضه ليه حكمة

وليه حسبة وتقسيمة

وانا اللي مشيت وانا مآمن

وسببت مشاعري واطمنت

نسيت إن البلاء وارد

وقد يأتي فدهينة «بنت»

أنا يا حبيبتي مش

و قلبي إزاز ..
 يعمور لما يتكسر
 ماتتخدعيش فدكاء ضحكك
 بخبي الحزن جوههم
 ده نو بصيتي جونيا
 هتلقني احزر متفسر
 و تلقني أخرج ساب فياً
 علامة الوقت مامسحهاش
 و مامسحكيش
 ماتتذريش !
 ماتتذريش ..
 وصلي جنازتي وياهم ..
 قصاد القبلة خطي الدبلة و ادعيلي
 و قولي كان مريض و ارتاح
 كفايه نواح ..
 على القلب اللي شافك ورد
 فد وطي جل ما يشمك
 قتلتني قتيلاً ؟ .. و إيه يعني

فداكي.. خلاص ولا يهك

مسير اللي اتكسر

يتيم.. مسير اللي اتقتل هيعيش

ما تعتذريش..

ساعات الاعتذار بيهين

ويجرح قبل ما يداوي..

سلامك كُلُّها تعاين..

وانا ما اعرفش أكون حاوي..

يا حبل اترفّ بالتدريج

على رقبتني

وانا من طيبتني سببت الحبل ع الغارب

بنبعد مهما نتقارب..

وأشوفك غاطة وأستمع

بطعم الغلظة فبعيدك..

يشاء ربك.. بآن الطيب الغلبان

يبطل طيبة على إيدك..

براءتك..

شكل من برة

ديكور بيداري سوء طبعك

وانا ما أقبلش أكون تابع

وخاتم تلبسيه فد صابعك

أنا راجل.. وليا كرامة لو راحت

حياتي تروح

وبابي لا عاد لا متوارب ولا مفتوح

ومهما تخني وتنادي

خلاص باب الرجوع اتسد

بكيت بعد الفراق؟!.. عادي

بكيت على نفسي مش على حد

ماعادش ما بينا شيء فاضل

عشان نرجع نقول يا حنين

ده لو نزلت دموع راجل

ينضرب الوجع فانتين

مفيش راجل ما بيعيطش لو فارق

الفكرة بس إن احنا بنخبي

ما اعرفش بيهكي عليك لي وازاي

ما اعرفش ليه وعلى إيه بتتحيبي
يوماتي ع الله بسأل نفسي ..
ليه انتي؟!
وليه بالذات
وكان فين قلبي وأنا مسحوب
لتنيارك
وكان فين عتلي وأنا بغلظ
وبختارك
وداخل جنتك عشان ..
أثاري جنتك .. نارك
ماخدتش بالي إنك «وهم»
مشيت عكس اتجاه السهم
و قلبي اتدل واتعلق
بأكثر حبل كان دايب
أنا اللي اتسببت طول الوقت
عشان مارضيتش أكون سايب
رضيت أطلع ف حدودك
بدور الحاضر الغايب
وأحبك من طرف تايه

وراكب قَطْر مابيمشيش
ماتعتذريش.. عشان والله مش فاهمك
ومش قادر أحدد موقفك بالطبط..
براجع كَلْ تفصيلة..
مفيش ف القصة حلقة ربط..
مفيش حبكة.. مفيش ربكة
مفيش ف القصة دمعة عين
ورعشة إيد.. وقبضة قلب أو قهره
أكيد فيه حاجة مش ظاهرة
تعالى نبص ع المشهد..
نراجع من الألف للياء..
نشوف مين فينا كان مشتاق
ومين قمر.. ومين اهتم
ومين نايم بكُل برود
ومين سهران يعيط دم
أكيد حُبك مهم.. أكيد
لكن يعني كرامتي أهم
ف كان من حقي أقول همشي..
وأقول سببتك لكُل الناس

وانا كذاب..
صحیح سبتك أنا لكن
تساب..
أن المتساب بافعالك..
همالك..
واحسسي إني في حياتك
بمجرد طيف..
وساكن جوّة منك ضيف
لأليّا حقوق ولا كرامة
وعايش بس من غير صوت
وطول الوقت بتدلل
وبشحت كلمتين حلوين
فآخر اليوم..
عشان أعرف أنا ميسوط
بقول سبتك لكل الناس
وبرضي غروري وسطهم..
وانا جوايا نار قايدة
« مفيش فايدة.. »
بكابر قدّ ما بكابر

وقلبي من الحنين مفضوح
قريب وغريب.. يبص ف عيني
فبشوفك بكّل وضوح..
ولسه انا تحت تأثيرك..
ومش شايف بنات غيرك
لكن أصبحت مابشوفكيش
ماتعتذريش

و ف الآخر

يجوز أقابلها بالصدفة
تعدي عليا تحبط كتفي
ما عرفهاش
أقور: آسف
تقول هي
« مفيش داعي »

يجوز أقابلها فالمترو
وأنا مخلف
وماسك بنتي فإديا
وابني ينام على دراعي

يجوز أقابلها وفإيدي
إيدين تانية

أبص ف عينها كام ثانية..

وأتلفت

مجرد نظرة معناها

«خلاص كل الجراح خفت»

نهايه جميلة مُرضية

مناسبة لكافة الأطراف

هنعمل إيه

ما دمنا ضعاف

وملناش حيلة ف قلوبنا

وملناش يد في الترتيب

وكله نصيب

إدينا تسيب ..

و نتفرق

و نعرف ناس جداد ونعيش

مفيش حدوة نهايتها

هتبقى «مفيش»

أكيد في كماله للموضوع

أكيد فيه حد هيقابلك

و هيعيشلك

بدون ما يكون ورا الموضوع
سبب مبني اللي بينكوا عليه
و هتتعجز
وإيدك ماسكة نفس إديه
نهاية بسيطة و عادية
لفيلم الكل عاش جواه
وتتر نهايته بيقولك
فيه قسمة
فيه نصيب و حياة

شكر خاص

لرباعي خط الظهر العمر:

عادل صقر

الفهرس

١١.....	(١).....
١٣.....	تزوير في مشاعر رسمية.....
١٩.....	لو زي ما بنقول: حبيتها.....
٢٢.....	ملخص كل ليلة.....
٢٤.....	لآخر يوم.....
٢٧.....	كان يا ما كان.....
٣٢.....	أمل دايب.....
٣٧.....	التأفة.....
٣٩.....	صاحب جدع.....
٤١.....	سنة على سنة.....
٤٣.....	كنت مراية.....
٤٥.....	حتى لو مش حابة تتحبي.....
٤٧.....	حُب الحياة.....
٥١.....	كأنه حجاب ومعمولي.....
٥٤.....	بحطة إيدك.....
٥٧.....	(٢).....
٦١.....	مكانتش قطة مغمضة.....
٦٧.....	نصيب.....
٦٩.....	جاين الدنيا نلف.....
٧٢.....	أنا بنته.....
٧٤.....	أنا طفلك.....
٧٧.....	علشان فتحت.....
٧٩.....	حبييتي فلانة.....

ين في رحمة

خودنا

كان^{١٤} موجود قدرا

عربي.....

ي واش.....

والمر

أصحاب..

أصون الن زن.....

١١١..... بني آدم على هيئة ذكرى.

١١٤..... كان كل ما يبدأ يتعلق.....

١١٦..... كلنا بنقرر آخر الليل.....

١١٨..... مع إن الن ثقيل.....

١٢٠..... ماحدث.....

١٢٢..... هناك.....

١٢٤..... آن الأوان.....

١٢٦..... وأنا برجع أقول كان على عيني.....

١٢٩..... عايش وخلص.....

١٣٢..... عارفة.....

١٣٤..... عادة.....

١٣٦..... ماتعتدريش.....

١٤٥..... و ف الآخر.....

١٤٩..... شكر خاص.....

لتحميل مزيد من الكتب الحصرية
زور موقع فور ريد
www.4read.net

